

37. aðalfundur Landssambands smábátæigenda

Tillögur allsherjarnefndar til fundarins

Efnisyfirlit

<i>Byggðakvóti</i>	2
<i>Afladagbók</i>	2
<i>Línur og svæðalokanir</i>	2
<i>Flotvarpa</i>	3
<i>Rannsóknir á lífríkinu</i>	4
<i>Drónar</i>	4
<i>Lögskráning og mönnunarmál</i>	4
<i>Landhelgi / heimamið</i>	5
<i>Bryggjuskattur</i>	5
<i>Ýmislegt</i>	5

Byggðakvóti

- Aðalfundur LS leggur til að einungis dagróðrabátar minni 30 brt. eigi rétt á almennum byggðakóta. Honum verði úthlutað sem ívilnun við löndun þannig að tryggt verði hann nýtist eingöngu við fiskveiðar, þannig að heimildirnar verði í raun aldrei færður beint á báta heldur dragist frá vigt landaðs afla í hverjum róðri.

Afladagbók

- Aðalfundur LS mótmælir því að bátar/sjómenn séu skyldaðir til notkunar rafrænnar aflaskráningar á dagróðrabátum. Fundurinn hafnar því algerlega að notendur appsins og Trackwell forritsins taki á nokkurn hátt þátt í kostnaði af appinu, þróun þess og notkun.
Greinargerð: Telur fundurinn alveg fráleitt að sjómenn þurfi að senda inn í gegnum síma eða tölvur staðsetningu sína við veiðar og áætlaðan afla pr. dag.
Vill fundurinn benda Fiskistofu á að þessar upplýsingar er hægt að nálgast á mun aðgengilegri hátt. Ferla báta er hægt að nálgast langt aftur í tímann hjá nokkrum aðilum og aflatölur eru aðgengilegar hjá Fiskistofu skömmu eftir löndun.
Ætli Fiskistofa að halda rafrænni aflaskráningu til streitu beinir fundurinn því til skrifstofu LS að finna sanngjarna þóknun sem bátar/sjómenn geti rukkað Fiskistofu um fyrir að þjónusta. (Snjallsímar, tölvur og vinna).

Línur og svæðalokanir

- Aðalfundur LS krefst þess að línan Selsker í Selsker á Breiðafirði haldist óbreytt eins og hún hefur verið í ára raðir.
- Aðalfundur LS mótmælir harðlega öllum hugmyndum um lokun svæða fyrir handfæraveiðum eins og fram koma í skýrslu starfshóps um „faglega“ endurskoðun varðandi notkun veiðarfæra, veiðisvæða og verndunarsvæða á Íslandsmiðum. Fundurinn telur að ekki skuli beita reglugerðarlokunum eða skyndilokunum á handfæraveiðar heldur beita sektum eða veiðileyfissviptingu á þá aðila sem koma með of smáan fisk að landi.
- Aðalfundur LS leggur til að veiðar með snurvoð innfjarða og flóa verði óheimilar bátum lengri en 22 metrar. Bannið taki ekki til gamalla báta sem stundað hafa veiðarnar undanfarin ár.
- Aðalfundur LS skorar á stjórnvöld að endurskoða heimildir til veiða með dragnót upp í fjörur víða um land.
- Skápurinn
Aðalfundur LS lýsir ánægju sinni með reglugerðalokun á hluta „Skápsins“ utan Borgarfjarðar eystri, fyrir togveiðum. Reynslan af lokuninni sýnir svo ekki verður umdeilt að trillur sem róa frá Borgarfirði eystra hafa getað sótt á sín heimamið í haust, hafa ekki þurft að sækja 30 - 50 sjómílur á haf út, út fyrir togskipin.

Veiði hefur verið með ágætum á handfæri eftir að svæðinu var lokað, það er gríðarleg breyting frá fyrri árum.

Umrædd lokun hluta skápsins er gerð með reglugerð til eins árs og gildir 1. júlí 2021 til 31. des 2021 reglugerð nr. 742/2021

Krefst fundurinn þess að lokunin verði sett í lög og gildi í það minnsta 1. júlí til 31. des ár hvert.

- Aðalfundur LS: Lokunarsvæði keiluhólf verði aflagt
Aðalfundur LS telur engin rök með því að viðhalda reglugerðarhólfi í Lónsdýpi og á Stokksnesgrunni sbr. 8. gr. reglugerð 961/2019 . Lokunin var sett á vegna friðunar á keilu sem ekki er lengur á tegundalista skipa og því ekki ástæða til að banna línuveiðar þar lengur.

Flotvarpa

- Aðalfundur LS skorar á sjávarútvegsráðherra að heimila ekki veiðar með flottrolli á komandi loðnuvertíð.

Greinargerð:

Allt bendir til að við Íslendingar fáum stóra gjöf, þ.e. myndarlegan loðnukvóta. Við slíkar fréttir er rétt líta um öxl.

Við höfum ekki veitt með flottrolli, í tvö til þrjú ár og eru áhrif þess þegar komin fram. Bent skal á stærsta stofn loðnu í áratugi og grásleppu þar sem stofninn hefur tvöfaldast.

Margt bendir til að veiðar með flottrolli hafi komið í veg fyrir að unglöðna hafi náð að lifa auk þess sem grásleppan hafi ekki náð sér á strik.

Það er tilraunarinnar virði að veiða loðnu, eingöngu í nótt og sjá til hvort við náum að verja þessa stofna. Mikið er í húfi fyrir þjóðina að vel takist til, milljarða spursmál.

Tilraunin gæti reynst með þeim stærstu í sögu fiskveiða, við Ísland.

Stórútgærðin sem hefur loðnukvótann, er vel í stakk búin til að nota nótt við veiðarnar. Það er skylda okkar hverju sinni, að nýta fiskimiðin með ábyrgum hætti, þannig að sem mestur arður náist í náinni framtíð. Höfum í huga að við eigum ekki fiskinn í sjónum. Við erum aðeins með nýtingarrétt á honum.

- Aðalfundur LS leggur til að nefnd, skipuð fiskifræðingum, fiskverkendum og starfandi og fyrrverandi sjómönnum, verði sjávarútvegsráðherra til ráðgjafar um nýtingu hafsins. Sé slík nefnd til þá þarf að endurvekja hana, því ljóst er að ekki hefur verið tekið tillit til fiskifræði sjómannsins.

Rannsóknir á lífríkinu

- Aðalfundur LS skorar á stjórnvöld að auka rannsóknir á lífríki Breiðafjarðar, sérstaklega ef auka eigi nýtingu þara úr firðinum, og hvaða áhrif hún hafi á lífríki Breiðafjarðar og viðgang fiskseiða.
- Aðalfundur LS hafnar öllum hugmyndum Breiðafjarðarnefndar um frekari friðanir á Breiðafirði, þar á meðal stofnun þjóðgarðs í sjó eða skrá svæðið á heimsminjaskrá UNESCO.
- Aðalfundur LS vill að skoðaðar verði lífslíkur smáþorsks sem sleppt er á grunnsævi.
- Aðalfundur LS leggur til að starfsaðferðir Hafrannsóknastofnunar um stofnstærðarmat nytjastofna verði teknar til skoðunar.
- Aðalfundur LS lýsir yfir þungum áhyggjum vegna stöðu vistfræðilegra rannsókna á fiskistofnum við Ísland. Ljóst er að vísindalegar forsendur veiðiráðgjafar t.d. í þorski, grásleppu og fleiri tegundum hafa engan veginn staðist og skýringar Hafrannsóknastofnunar, eru ótrúverðugar og án viðunandi rökstuðnings. Skorar LS á nýtt Alþingi að beita sér sem fyrst fyrir því að úttekt verði gerð á stofnuninni af hlutlausum aðilum og stefna hennar tekin til gagn Gerrar endurskoðunar.
- Aðalfundur LS lýsir yfir þungum áhyggjum af þróun sæbjúgnaveiða og vill að áhrif þeirra á botndýr, botn og búsvæði fiska verði rannsakaðir hið fyrsta. Telur fundurinn að áhrif veiðanna séu geysileg þar sem sífellt stærri og öflugri skip eru notuð til veiðanna, t.d. er lágmarksþyngd sæbjúgnaplógs eitt tonn.

Drónar

- Aðalfundur LS mótmælir drónaefirliti Fiskistofu og telur það brot á friðhelgi einkalífsins. LS framleiði límmiða sem sjáist úr lofti: „Myndataka óheimil án samþykkis skipstjóra“.

Lögskráning og mönnunarmál

- Aðalfundur LS mótmælir forminu á lögskráningarsíðu Samgöngustofu, þar sem krafist er tveggja réttindamanna, við einmenningssjósókn ef veiðiferð varir lengur en 14 klukkustundir. Teljum við að engin heimild sé í lögum fyrir þessari takmörkun.
- Aðalfundur LS leggur er til að heimilt verði að ráða skipstjóra til strandveiða (a.m.k. tímabundið) án þess að ákvæði um eigendaskyldu sé uppfyllt.
- Aðalfundur LS hafnar túlkun samgöngustofu á nýjum mönnunarreglum á bátum 6 - 15 metrum/vélarstærð yfir 250 kW, reglum sem kollvarpa rekstrarumhverfi smábáta þar sem gerð er kröfa um allt að fjóra réttindamenn sé farið yfir 14 tíma útiveru.

Landhelgi / heimamið

- Aðalfundur LS vill að lögfest verði landhelgi fyrir dagróðrabáta sem stunda veiðar með kyrrstæðum veiðarfærum

Slík svæði verði friðuð fyrir ágangi togara. Aðalfundurinn bendir á frábæra reynslu við minnkun skápsins við Borgarfjörð Eystri..

Bryggjuskattur

- Aðalfundur LS krefst þess að 50.000 króna strandveiðigjaldið verði lagt niður

Ýmislegt

- Aðalfundur LS leggur til að skoðun gúmmibáta verði annað hvert ár.
- Aðalfundur LS leggur til að menn ávinni sér geymslurétt á kvóta með veiðireynslu.
- Aðalfundur LS leggur að heimilt verði að nýta hvítlúðu sem meðafla, enda ekki um beina sókn að ræða.
- Aðalfundur LS leggur til að við krókaveiðar verði heimilt að sleppa lífvænlegum fiski undir 50 cm sem veiddur er á grunnslóð.
- Aðalfundur LS skorar á stjórnvöld að styðja við áframhaldandi ábyrgar veiðar á hvöllum.
- LS krefst þess að reglur um hámarkseignaraðild verði gerðar skýrari.
- Nám við trefjaplast smíði
Aðalfundur LS óskar eftir að menntamálaráðuneyti ljúki gerð námsskrár í trefjaplast-smíði svo hægt verði að útskrifa nemendur með löggild réttindi.
- Heimaviqtun / Endurviqtun
Aðalfundur LS krefst þess að allur afli sé endanlega vigtaður á hafnarvog í löndunarhöfn